



Nýr Landspítali staða framkvæmda og fréttir af verkefninu

- **Samningsundirskrift heilbrigðisráðherra vegna nýbyggingar við Grensásdeild**
- **Tilboði Staticus tekið í útveggi meðferðarkjarnans**
- **Uppsteypa meðferðarkjarna**
- **NLSH semur við Verkís um hönnun vinnurafmagns og vinnulagna**
- **Starfsmenn Hornsteina í heimsókn**
- **Veitur í kynnisferð**
- **Fjölbreytt verkefni hjá sumarflokki**

Samningsundirskrift heilbrigðisráðherra vegna nýbyggingar við Grensásdeild



Frá samningsundirskrift: Runólfur Pálsson forstjóri Landspítala, Ólafur Águst Ingason EFLU, Willum Þór Pórsson heilbrigðisráðherra, Hallgrímur Þór Sigurðsson Nordic Office of Architecture og Guðrún Pétursdóttir Hollvinasamtökum Grensás.



Það viðraði vel við samningsundirskriftina



Það ríkti léttur andi við Grensásdeildina, Gunnar Svavarsson, framkvæmdastjóri Nýs Landspítala stýrði athöfninni

Heilbrigðisráðherra, Willum Þór Pórsson, hefur undirritað samning Nýs Landspítala ohf. við Nordic Office of Architecture og EFLU verkfræðistofu, vegna fullnaðarhönnunar á nýbyggingu við Grensásdeild Landspítala. Um er að ræða viðbyggingu endurhæfingarhúsnæðis Grensásdeilda, en hið nýja húsnæði verður um 3.800 fermetrar að stærð og mun rísa að vestanverðu við núverandi aðalbyggingu. Hallgrímur Þór Sigurðsson undirritaði samninginn fyrir hönd Nordic Office of Architecture og Ólafur Águst Ingason fyrir hönd EFLU.

Willum Þór Pórsson heilbrigðisráðherra: „Hér er enn einn ánægjulegur áfangi í uppbyggingu betra húsnæðis fyrir Landspítala, sjúklinga og starfsmenn, og eftir þessu skrefi á Grensás hefur lengi verið beðið. Á þessum tímamótum er hægt að þakka mörgum, en ég vil þó sérstaklega taka fram þátt Hollvina Grensás sem hafa ötullega stutt við bakið á uppbyggingunni hér á Grensás, innan- og utanhlúss. Grensásdeildin er sem

endurhæfingarstaður gífurlega mikilægur þáttur í heilbrigðisstarfsemi þjóðarinnar, þess vegna er þetta skref okkur öllum mjög mikilvægt“.

Gunnar Svavarsson framkvæmdastjóri Nýs Landspítala ohf.: „Nordic Office of Architecture og EFLA verkfræðistofa urðu hlutskörpust í útboði vegna fullnaðarhönnunar, sem byggði á matslíkani og verði. Nú tekur við um 12 mánaða hönnunartími og eftir árið ættum við að sjá vinnuvélar mættar til að byrja á húsgrunni hússins, ef allar áætlanir ganga eftir. Fyrsta byggingarverkefni NLSH utan Hringbrautarsvæðisins þar sem allt er á fullri ferð“.

Tilboði Staticus tekið í útveggi meðferðarkjarnans




Tilboði Staticus var tekið í útveggjakerfi meðferðarkjarna

Nýlega lauk um 15 mánaða samkeppnisútboðsferli í útveggi meðferðarkjarna sem hófst snemma á síðasta ári með forvali. Fjallað hefur verið um verkefnið áður í fréttum á heimasíðunni, en í upphafi skiliðu átta aðilar inn gögnum til þátttöku. Útboðsferlið er búið að vera langt og strangt, það lengsta og flóknasta sem NLSH hefur komið að. Vinnuhópur frá NLSH, Corpus, Buro Happold, Bird & Bird og Ríkiskaupum hefur unnið að gagnagerð og samkeppnisviðræðum. Nýlega var tilkynnt að NLSH ohf. hafi tekið tilboði Staticus, en Staticus fékk hæstu einkunn (niðurstöðu) úr matslíkani og verði. Tilboð Staticus var vel undir kostnaðaráætlun. Um er að ræða fullnaðarhönnun, framleiðslu, flutning og uppsetningu.

Nánar má kynna sér fyrirtækið á www.staticus.com

Uppsteypa meðferðarkjarna



Vinna við sökkla og botnplötu efri kjallara



Steypuvinna við plötu yfir efri kjallara

Uppsteypuverkefni meðferðarkjarna gengur vel en aðalverktaki uppsteypuverksins er Eykt hf.

„Helstu verkþættir sem nú eru í gangi við uppsteypuna er áframhaldandi vinna við mótauppslátt, járnabendingu, eftirspennu, jarðskaut, fyllingar, lagnir í grunni og uppsetningu stálvirkis. Neðri kjallari og botnplötur í efri kjallara klárast á næstu vikum og einnig frágangur kjallaraveggja, fyllingar að þeim og fyllingar inn í rými er í fullum gangi og langt komin og einnig lagnir í grunni.

Uppsteypa veggja og súlna efri kjallara er langt komin og einnig er unnið við fyrstu súlur, stálvirkir, ramma og plötur á fyrstu hæð og á annarri hæð og mannvirkið þar með farið að teygja sig upp úr grunninum og tekur breytingum með hverri viku.

Uppsteypu neðri kjallara er lokið og framkvæmdir við tengiganga standa yfir norðan við meðferðarkjarna samhliða uppsteypu tengiganga milli meðferðarkjarna og rannsóknahúss í gegnum Burknagötu og gert ráð fyrir að vestari tengigangurinn klárist í næsta mánuði,” segir Eysteinn Einarsson staðarverkfræðingur Nýs Landspítala.

NLSH semur við Verkís um hönnun vinnurafmagns og vinnulagna



Samið hefur verið við Verkís um hönnun vinnurafmagns í meðferðarkjarna og í bílakjallara

Opnuð hefur verið verðkönnun fyrir vinnurafmagn og vinnulagnir fyrir byggingu meðferðakjarna við Hringbraut.

Fimm ráðgjafafyrirtækjum var boðin þátttaka í verðkönnuninni og tvö fyrirtæki sendu inn verð í verkið.

Kostnaðaráætlun var undir útboðsmörkum sbr. lög nr. 120/2016. Samið hefur verið við lægstbjóðanda, Verkís hf., 15.870.000 kr án vsk.

Hönnuðir taka að sér að hanna vinnurafmagn og vinnulagnir í meðferðarkjarna og bílakjallara undir Sóleyjartorgi á Hringbrautarlöð.

Starfsmenn Hornsteina í heimsókn



Starfsmenn Hornsteina í kynnisferð um framkvæmdasvæðið

Þann 25. ágúst komu starfsmenn frá arkitektastofunni Hornsteinum í heimsókn. Gunnar Svavarsson, framkvæmdastjóri, kynnti stöðu dagsins í framkvæmdaverkefninu og að því loknu var boðið upp á skoðunarferð um framkvæmdasvæðið undir leiðsögn Ásbjörns Jónssonar sviðsstjóra framkvæmdasviðs

Starfsmenn frá Veitum í kynnisferð



Starfsmenn Veitna fengu leiðsögn um framkvæmdasvæðið

Nýlega komu starfsmenn frá Veitum í kynnisferð og fengu kynningu á verkefnum Nýs Landspítala hjá Gunnari Svavarssyni, framkvæmdastjóra og Gísla Georgssyni á tækni – og þróunarsviði. Síðan var farið í skoðunarferð um framkvæmdasvæðið undir leiðsögn Ásbjörns Jónssonar, sviðsstjóra framkvæmdasviðs, og Steinars Þórs Bachmann á framkvæmdasviði.

Fjölbreytt verkefni hjá sumarflokki



Það er kominn mikill myndarbragur á Hringbrautarreitnum

Í sumar hefur verið starfræktur sumarflokkur hjá Nýjum Landspítala sem sinnir viðhaldsverkefnum af ýmsum toga.

„Þau helstu verkefni sem við höfum unnið að í sumar eru málun og viðhald á framkvæmdagirðingum, málun á nýju merki félagsins á girðingar, setja mottur á göngustíga vinnubúðareits og þökulagnir. Einnig færsla á girðingum, almenn tiltekt á framkvæmdasvæði, málun hjólaskýlis og hellulagnir, ryðhreinsun á gámum og vinna við trjábeð. Verkefnin hafa gengið vel í sumar þrátt fyrir rysjóttu tíð og kominn mikill myndarbragur hér á svæðið," segir Þróstur Ásgeirsson verkefnastjóri.

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is



nlsh.is

NLSH ohf. / Alaskareitnum við Burknagötu / Pósthfang: Pósthólf 20, 121 Reykjavík
Aðalnúmer 551 6010 / kt. 500810-0410 / postur@nlsh.is